

**JU ZAVOD ZA HITNU
MEDICINSKU POMOĆ
KANTONA SARAJEVO**

V.d. direktor Zavoda

Broj: 01-601/21

Datum: 13.12.2021. godine

Na osnovu članova 30. i 39 Statuta JU Zavoda za hitnu medicinsku pomoć Kantona Sarajevo, člana 7. Pravilnika o radu JU Zavoda za hitnu medicinsku pomoć KS broj: 01-02-33625/18 od 24.10.2018.godine, člana 16. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo" broj 19/21), na osnovu Zapisnika o provedenom konkursu broj 6640 od 10.12.2021.godine i Liste uspješnih kandidata Komisije za izbor kandidata za prijem u radni odnos br.6639 /21 od 09.12.2021.godine , koja je imenovana Odlukom broj: 01- 5623/21, v.d. direktor Zavoda donosi

ODLUKU

O PRIJEMU U RADNI ODNOS

Član 1.

Za zasnivanje radnog odnosa za poziciju Medicinska sestra-tehničar-5 (pet) izvršioca u Službi urgentnih medicinsko-terenskih poslova na neodređeno vrijeme, izabran je kandidat:

- Alija Huzbašić

Član 2.

Sa imenovanim kandidatom zaključit će se Ugovor o radu na neodređeno vrijeme.

Član 3.

Izabrani kandidati su dužni prije zaključenja ugovora o radu dostaviti ljekarsko uvjerenje, koje je potrebno za obavljanje poslova i radnih zadataka radnog mjesta medicinska sestra-tehničar.

Član 4.

Kandidati koji nisu izabrani, a koji su sudjelovali na konkursu, imaju pravo uvida u dokumentaciju u vezi sa provedbenom procedurom prijema u radni odnos najkasnije u roku od tri dana od dana prijema obavještenja o izboru kandidata u Službi pravnih i kadrovskih poslova JU ZHMP KS Kolodvorska 14.

Član 5.

Odluka stupa na snagu danom donošenja.

Obrazloženje

JU Zavod za hitnu medicinsku pomoć Kantona Sarajevo je s ciljem popunjavanja upražnjenih radnih mjesta, a na osnovu saglasnosti Vlade Kantona Sarajevo broj 02-04-35846-24/21 raspisao javni oglas za prijem u radni odnos ukupno pet (5) izvršilaca za radno mjesto medicinska sestra-tehničar na neodređeno vrijeme.

Konkurs je proveden putem javnog oglašavanja. Objavljen je dana 17.11.2021.godine u dnevnim novinama „Oslobođenje“, na web stranici Zavoda, te na web stranici Službe za zapošljavanje Kantona Sarajevo.

Komisija za izbor kandidata za prijem u radni odnos (u daljem tekstu: Komisija) koja je imenovana Odlukom v.d direktora Zavoda broj: 01- 5623 /21, u skladu sa kriterijima predviđenim konkursom, razmotrila je sve dostavljene prijave. Ukupno je pristiglo dvadesetijedna (21) prijava za radno mjesto medicinska sestra-tehničar. Komisija je utvrdila da pet (5) prijava nisu potpune, odnosno uredne, te je prijave odbila.

Kandidati koji su ispunjavali uslove su pismeno obavješteni o terminu i mjestu održavanja pismenog i usmenog ispita.

Komisija je utvrdila da su svih šesnaest (16) kandidata koji su ušli u izborni postupak, pristupili pismenom i usmenom ispitu, koji su održani dana 09.12.2021.godine.

Komisija je obavila pismeno testiranje i intervju sa kandidatima i na osnovu rezultata sačinila listu uspješnih kandidata koju je uz Zapisnik o provedenom konkursu dostavila v.d. direktoru Zavoda. V.d. direktor Zavoda je, nakon uvida u predloženu Listu uspješnih kandidata, u skladu sa svojim ovlaštenjima donio odluke o prijemu pet (5) medicinskih sestara-tehničara na neodređeno vrijeme, te je odlučio kao u dispozitivu.

Pouka o pravnom lijeku: Protiv ove Odluke kandidati imaju pravo na prigovor Upravnom odboru Zavoda u roku od osam dana od dana prijema odluke, odnosno pismene obavijesti svim prijavljenim kandidatima koji nisu izabrani na radno mjesto za koje je provedena procedura prijema u radni odnos.

V.D. DIREKTOR

Prim. dr. Amra Bašić-Živadinović

Dostaviti:

-kandidatima

-službi za pravne i kadrovske poslove

-a/a